


QAK ШЕАКЕН

ISSN 0234 — 6818 № 8 ТАМЫЗ 1996



ҚАЗИДЫ ҚҰҒАН ҚАБАН

...Бал-дәурен шағымның ізі қалған Балқаштың жағасындағы туған ауылға барған сайын міндettі түрде жаңғыртар тағы бір оқиға еріксіз қолыма қалам алғызып отыр. Алыстан шаршап-шалдығып жеткенімде алдымнан ыржалақтап құшақ жая қарсы алатын досым Қазиды көргеннен-ақ осыдан отыз жыл бұрынғы сол сурет қаз-қалпында еске түседі.

Қаңтардың қақаған күндерінің бірі болатын. Ол кезде бүкіл ауыл көмір дегенді білмейтін. Елдің негізгі отыны – жыңғыл. Ал оны ауыл түрғындары қытай қияндағы Мақаш пен Байсейіттің құмынан мәшинемен тасиды. Қалың құмның ішіндегі жыңғыл орманы қояннан жыртылып айырылады. Сыңсыған тогайды қыстаған шіл мен қырғауыл да жетерлік. Сондықтан отын бастыруышылар қосауыздарын қолтықтарына қыстыра келеді.

Ұлken-ұлken томарлы көрі жыңғылды таңдал, ірікеп мәшинеге сықита тиегеннен кейін қоян аулауға кірісеміз. Әп-сөтте екі-үштен қоян атып алған біз ересектердің ескертүімен кері оралдық. Тек қоянның қызығына түскен Қази қалың қарды омбылап ұзап кеткенге үқсайды. Оны талып жеткен мылтық даусынан сезіп отырмыз. Біраздан соң өлгіндегі өлсін-өлсін естілген мылтық үні де сап тылған. «Келіп қалар» деген үмітіміз біртіндеп күдікті ойға ұласты. «Адасып кеткен шығар?! Тездетіп іздейік. Әйтпесе, күн кешкіріп кетіп, қайта алмай жүрерміз...»

Тұс-тұска жүгірген іздеушілер Қазиды қансырап жатқан жерінен тез-ақ тауып алды. Кеудесін дәу жыңғылдың түбіне жасырған оның етігі қанға толып кетіпти. Аппақ қар қою қара қаннан көрінбейді-ау. Қатты қорықкан балалардың бірі айғайлап жылап жіберді.

— Қази өліп қалыпты...

Сөйткенше баяу сақтықпен қозғалған ол басын көтеріп:

— Тірімін! — дейді. — Қабан жарып кетті ғой.

— Не дейсің!

— Қайдан келген қабан!..

Төңірегіне үркектей жанар жүгірткен Қази бар жайды түйіп жеткізген. Сөйтсек, қоян жымына түскен оның соңынан жыныс тогайдан қаңғып шыға келген нөн қара қабан ілесіпті. Артына жалтақтай ілгері адымдаған ол өбден талықсып шаршаған бойы жыңғылдың түбіне жасырына құлайды. Сол мезетте екпіндеген қабан қылыштай азу тісімен жанбас тұсынан сүйкеп жүре береді...

Ажал аузынан қалған оны содан бері құрдастары «Қабан қуған Қази» атап кеткен еді.